

續修廬州府志卷二十一

花翎道銜江南安徽廬州府知府清泉黃 雲總修

兵事志一

國之大事首重兵戎以大事紀入兵事中史冊約錄

聖武特隆

方略參稽一隅戰攻

夏

南巢氏桀之封也桀之季年湯升陟伐桀鳴條之敗桀

奔南巢之山羅泌路史引巢伯內之為築王城以居之

桀居巢始制陶瓦楊子芳秦為居巢在今巢縣治古巢

伯國今無為之屬巢縣也節路史國故有夏水括地志廬江梁

續修廬州府志卷二十一

兵事志一

縣有巢湖即今合肥之巢湖九域志曰焦湖引同上 終殷之世巢伯義不臣於

商見巢伯論

周

武王時巢伯始朝周芮伯作旅巢命書

惠王二十年徐人取舒春秋魯僖公三年經杜預注

古城在今廬江縣西今案漢舒縣在今廬江西百二十里晉舒縣今之縣治也

頃王四年楚成嘉為令尹羣舒叛楚子孔執舒子平及

宗子遂圍巢春秋文公十二年傳晉

五年楚莊王立子孔潘崇將襲羣舒使公子燮與子儀

守而伐舒蓼十四年傳

定王六年楚人滅舒蓼楚為眾舒叛故伐舒蓼滅之楚

子疆之及滑汭盟吳越而還

宣公八年傳 原注舒蓼今廬州府廬江縣西故舒

城是也滑汭當在今廬州府東境

簡王十二年舒庸人以楚師之敗也道吳人圍巢伐駕

圍釐虺遂恃吳而不設備楚公子橐師襲舒庸滅之成

十七年傳 舊志按駕釐在今廬江縣境

靈王二年吳人伐楚取駕襄公三年傳 駕在今無為州境

十二年吳侵楚養由基奔命子庚以師繼之養由基請

子庚為三覆以待之戰於庸浦大敗吳師獲公子黨三

年傳 舊志按庸浦在今無為州南

二十三年吳人為楚舟師之役故召舒鳩人舒鳩人叛

楚子師於荒浦舒鳩地使沈尹壽與師祁黎讓之舒鳩子

續修廬州府志

卷二十一

兵事志一

二

敬逆二子而告無之且請受盟楚師乃還二十四年傳

二十四年舒鳩人卒叛楚令尹子木伐之及離城吳人

救之子木遽以右師先子疆息桓子捷子駢子孟帥左

師以退吳人居其間七日子疆請以其私卒誘之簡師

陣以待我五人以其私卒先擊吳師吳師奔簡師會之

吳師大敗遂圍舒鳩舒鳩潰八月楚滅舒鳩二十五年傳 舊志

按杜注離城舒鳩城在今舒城縣境

十二月吳子諸樊伐楚以報舟師之役門於巢巢牛臣

隱於短牆以射之卒同上

景王八年冬十月楚子以諸侯及東夷伐吳蓬射以繁

陽之師會於夏汭越大夫常壽過帥師會楚子於瑣闞

吳師出蕞啟疆帥師從之遽不設備吳人敗諸鵲岸楚

師濟於羅汭沈尹赤會楚子次于萊山蕞射帥繁陽之

師先入南懷楚師從之及汝清吳不可入楚子遂觀兵

于坻箕之山是行也吳早設備楚無功而還昭公五年

注廬江舒縣有鵲尾渚按今江南太平府繁昌縣西南

人江中有鵲洲蓋自銅陵鵲頭山至三山為鵲尾故江

日鵲江岸日鵲岸無為州與繁昌縣相對鵲岸當屬無

為晉時無為地屬舒縣故杜注云然俗以為在今舒城

東北者誤也今廬州巢縣南三十七

里有跼蹶山輿地志以為即坻箕山

敬王二年楚子為舟師以略吳疆吳人踵楚而邊人不

備遂滅巢及鍾離而還二十四年傳

十二年桐叛楚吳子使舒鳩氏誘楚人曰以師臨我我

伐桐為我使之無忌秋楚囊瓦伐吳師於豫章吳人見

續修廬州府志

卷二十一 兵事志一

舟於豫章而潛師於巢冬十月吳軍楚師於豫章敗之

遂圍巢克之獲楚公子繁定公二年傳杜注桐小國

江南安慶府桐城縣北有古桐

城即桐國也與廬江縣接壤

三十七年魯哀公會吳於橐皋哀公十二年經杜注

南按今廬州巢縣西北六十

里有柘皋即漢之橐皋縣

元王四年冬越滅吳二十二年傳

句踐已平吳乃以兵北渡淮與齊晉諸侯會於徐一作徐

州致貢於周元王使人賜命為伯句踐已去渡淮南以

淮上地與楚史記

二十四年楚東侵廣地至泗上史記

秦

秦始皇二十六年立郡縣設九江郡割江淮諸邑

始皇本紀

楚

陳涉二世元年使汝陰人鄧宗徇九江郡

陳涉世家

義帝元年初居鄴人范增往說項梁立楚懷王孫心為

楚懷王既為義帝項羽立當陽黥布為九江王

項羽本紀

漢

高祖三年遣隨何使九江隨何以九江王布歸漢四年

立黥布為淮南王

史記

項籍死黥布遂剖符為淮南王都

六九江廬江衡山豫章郡皆屬焉

册府元龜

五年大司馬周殷叛楚以舒屠六舉九江兵隨劉賈彭

越皆會垓下

史記

續修廬州府志

卷二十一

兵事志一

四

十一年淮南王黥布反高祖自往擊之

高祖本紀

景帝二年七國反吳使者至淮南淮南王欲發兵應之

其相曰大王必欲應吳臣願為將王乃屬之相已將兵

不聽王而為漢因城守漢亦使曲城侯將兵救淮南以

故得完吳使者至廬江廬江王不應而往來使越至衡

山衡山王堅守無二心上以為貞信徙王王於濟北廬

江王以邊越數使使相交徙為衡山王王江北廬江國

除為郡

淮南厲王傳

武帝建元三年東甌請舉國徙中國乃悉舉眾來處江

淮之間建元以來侯者年表孝武帝建元三年東甌王

廣武侯望率其眾四萬餘人來降處廬江郡

東越列傳

後漢

更始元年莽廬江連率李憲據郡稱淮南王擁九城眾

十餘萬後漢書李憲傳

建武四年帝幸壽春遣揚武將軍馬成率三將軍伐李

憲九月擊憲圍舒憲數挑戰成堅壁不出後漢書

六年春拔舒憲亡走其軍士帛意追斬憲以降後漢李憲傳

馬成追擊其黨與盡平江淮地册府元龜廬江人陳眾說降

其餘黨後漢書

陽嘉元年揚州六郡妖賊章和等寇四十九縣殺傷長

吏通鑑

永和三年九江賊蔡伯流寇郡界尋降後漢書

續修廬州府志 卷二十一 兵事志一 五

建康元年秋八月九江范容周生等寇掠城邑屯據歷

陽為江淮巨患遣御史中丞馮緄督州兵討之九月揚

州刺史尹耀九江太守鄧顯討范容等於歷陽敗沒十

一月冲帝紀九江盜賊徐鳳馬勉等攻燒城邑築營於當

塗山中建年號置百官十二月九江賊黃虎攻陷合肥

通鑑此當塗在懷遠縣東南

永嘉元年二月太后以徐陽盜賊並熾詔拜滕撫九江

都尉與中郎將趙序助馮緄合州郡兵數萬人共討之

三月撫等進擊眾賊大破之斬馬勉范容周生等夏五

月下邳人謝安應募率其宗親設伏擊徐鳳斬之拜滕

撫中郎將督揚徐二州事秋七月廬江賊攻盱台同賸

撫遣司馬王章擊破之冬十一月歷陽賊華孟自稱黑帝攻殺九江太守揚岑滕撫進擊破之斬孟等東南悉

平參後漢書及通鑑

中平元年揚州黃巾賊攻舒焚燒城郭廬江太守羊續

發縣中男子數萬人力戰大破之郡界平後漢書

熹平六年九江山賊起連月不解三府上陽球有理姦

才拜九江太守球到設方略凶賊殄破後漢書

光和三年廬江賊黃穰等與江夏蠻羽黨連結十餘萬

人攻沒四縣拜陸康廬江太守康申明賞罰擊破穰等

餘黨悉降後漢書陸康傳

興平元年袁術屯兵壽春部曲饑餓從廬江太守陸康

續修廬州府志 卷二十一 兵事志一 六

求米三萬斛康以其叛逆閉門不通內修戰備將以禦

之術大怒遣將孫策攻康圍城數重康固守吏士有先

休假者遁伏還赴暮夜緣城而入參後漢書及通鑑

二年孫策攻廬江拔之太守陸康病月餘卒袁術用其

故吏劉勲為廬江太守同上

孫堅初舉義兵孫策將母徙居舒與周瑜相友收合士

大夫江淮間人咸向之周瑜與策同年英達夙成聞策

聲問自舒來造勸策徙居舒策從之三國志注引江表傳

三年袁術以周瑜為居巢長瑜棄官渡江從孫策魯肅

攜老弱將輕俠少年百餘人南到居巢就瑜三國志魯肅傳

四年孫策征袁術所署廬江太守劉勲破敗率眾降

漢封爲列侯三國志

五年廬江盜梅乾雷緒陳蘭等聚眾數萬在江淮間郡

縣殘破綱目

孫策所置廬江太守李術攻殺揚州刺史嚴象曹操表

劉馥爲揚州刺史魏志

六年孫權破太守李術於皖城以孫河領廬江太守吳志

孫權孫詔傳注

十三年冬孫權率十萬眾攻圍合肥魏志孫權以張紘爲

長史從征合肥權率輕騎將往突敵紘諫曰夫兵者凶

器戰者危事也今麾下恃壯盛之氣忽彊暴之虜三軍

之眾莫不寒心雖斬將搴旗威震敵場此乃偏將之任

續修廬州府志 卷二十一 兵事志一 七

非主將之宜也願抑責育之勇懷霸王之計權納紘言

而止吳志合肥城久不拔紘進計曰古之圍城開其一面

以疑眾心今圍之甚密攻之又急誠懼并命戮力死戰

之寇固難卒拔其救未至可小寬之以觀其變議者不

同會救騎至數至圍下馳騁挑戰三國志注引吳書孫權之圍

合肥也曹操方敗于荊州又遇疾疫唯遣將軍張喜單

將千騎領汝南兵以解圍頗復疾疫別駕蔣濟乃密白

刺史僞得喜書云步騎四萬已到雩婁遣主簿迎喜三

部使齎書語城中守將一部得入城二部爲賊所得權

信之遽燒圍走魏志通鑑廬江營帥雷緒率部曲數萬口歸

劉備綱目

十四年秋七月曹操引水軍自渦入淮出肥水軍合肥
置揚州上下長吏開芍陂屯田魏志通鑑十二月操軍還譙

廬江人陳蘭梅成據潛六叛操遣盪寇將軍張遼討斬
之因使遼與樂進李典等將七千餘人屯合肥通鑑又使

夏侯淵督諸將擊廬江雷緒緒破魏志魏使廬江謝奇為
蘇春典農屯皖田鄉數為邊寇呂蒙襲擊奇縮退其部

伍呂蒙傳

十七年孫權作濡須塢先是呂蒙聞曹操欲東兵說孫
權夾濡須水口立塢諸將皆曰上岸擊賊洗足入船何
用塢為蒙曰兵有利鈍戰無百勝如有邂逅敵步騎蹙
人不暇及水其得入船乎權遂從之冬十月曹操擊孫

續修廬州府志 卷二十一

兵事志一

權至濡須通鑑綱目

十八年春正月曹操以步騎四十萬臨江飲馬江表傳進

軍濡須口攻破孫權江西營獲其都督公孫陽魏志權率

眾七萬從之使甘甯領三千人為前都督權密勅甯使

夜入魏軍甯乃選手下百餘人徑詣曹公營下使拔鹿

角踰壘入營斬得數十級北軍驚駭鼓譟舉火如星甯

已還入營作鼓吹稱萬歲因夜見權權喜曰足以驚駭

老子否聊以觀卿膽耳江表傳

孫觀為青州刺史從征孫權於濡須口為流矢所中穿

左足力戰不顧及瘡甚遂卒冊府元龜

曹操出濡須孫權使董襲督五樓船住濡須口夜卒暴

風五樓船傾覆左右散走舸乞使襲出襲怒曰受將軍任在此備賊何等委去也敢復言此者斬於是莫敢干其夜船敗襲死

吳志

孫瑜從權拒曹於濡須權欲交戰瑜說權持重權不從軍果無功遷奮威將軍領丹陽太守自溧陽移屯牛渚瑜以永安人饒助爲襄安長無錫人顏運爲居巢長使招納廬江二郡各得降附

孫瑜傳

曹操出濡須作油船夜渡洲上孫權以水軍圍取得二千餘人且沒溺者亦數千人權數挑戰操堅守不出權乃自來乘輕舟從濡須口入曹軍諸將皆以爲是挑戰者欲擊之操曰此必孫權欲身見吾軍部伍耳勅軍中

續修廬州府志

卷二十一

兵事志一

九

皆嚴精弓弩不得妄發權行五六里迴還作鼓吹操見舟船嚴仗軍伍整肅喟然歎曰生子當如孫仲謀劉景升兒子若豚犬耳

冊府元龜

權爲賤與操說春水方生公宜速去別紙言足下不死孤不得安操語諸將曰孫權不

欺孤乃徹軍還

通鑑

初曹操在譙恐濱江郡縣爲孫權所掠以問揚州別駕蔣濟曰欲徙淮南民濟曰百姓懷土實不樂徙懼必不安操不從而江淮間十餘萬眾皆驚走吳自廬江九江

蘄春廣陵戶十餘萬皆東渡江江西遂虛合肥以南惟

有皖城

魏志

十九年夏五月孫權征皖城初曹操遣朱光爲廬江太

守屯皖城大開稻田呂蒙言於孫權曰皖地肥美若一收熟彼眾必增宜早除之權親攻皖城以甘甯爲升城督遂攻破之拜蒙廬江太守還屯尋陽秋七月曹操又大出濡須權以蒙爲督據前所立塢置彊弩萬張於其上以拒曹操曹操前鋒屯未就蒙攻破之冬十月曹操

引退

吳志通鑑

魏志綱目

二十年八月孫權率眾十萬圍合肥曹操之征張魯也教與護軍薛悌署函邊曰賊至乃發俄而權率十萬眾圍合肥乃共發教教曰若孫權至者張李將軍出戰樂將軍守護軍勿得與戰於是夜募敢從之士得八百人椎牛饗將士明日平旦遼被甲持戟先登陷陣斬二將

續修廬州府志

卷二十一

兵事志一

十

大呼自名衝壘入至權麾下權眾不知所爲走登高冢以長戟自守遼叱權下戰權望見遼所將眾少聚圍遼數重遼左右麾圍直前急擊圍開遼將麾下數十人得出還修守備權守合肥十餘日城不可拔乃引還

魏志是

役也張遼奄至諸將不備陳武鬪死宋謙徐盛等皆披走潘璋身次在後便馳進橫馬斬謙盛兵走者二人兵皆還戰

吳志

吳軍旣徹還兵皆就路前部已發惟車下虎

士千餘人并呂蒙蔣欽凌統及甘甯從權逍遙津北時張遼觀望知之卽將步騎奄至甯引弓射敵與統等死戰甯厲聲問鼓吹何以不作壯氣毅然

甘甯傳

權使追還

前兵兵已去遠勢不相及凌統率親近三百人陷圍扶

扞權出敵已毀橋橋之屬者兩板權策馬驅馳統復還戰左右盡死身亦被創所殺數十人度權已免乃還橋敗路絕統被甲潛行權既御船見之驚喜統痛親近無反者悲不自勝凌統傳權征合肥還爲張遼掩襲於津北幾至危殆賀齊時率三千兵在津南迎權權既入大船會諸將飲酒齊下席涕泣而言曰至尊人主常當時重今日之事幾至禍敗羣下震怖若無天地願以此爲終身誠權自前收其淚曰大慙謹以剋心非但書諸紳也

江表傳 案吳魏以巢湖爲界道遙津在今合肥之東北七十里

二十二年春正月曹操軍居巢孫權保濡須築城拒守二月操進攻之三月操引軍還留夏侯惇曹仁張遼等

續修廬州府志

卷二十一

兵事志一

二十六軍屯居巢權令都尉徐詳詣操請降操報使修好誓重結婚權留平虜將軍周泰督濡須朱然徐盛等皆在部通鑑

後主建興元年魏曹仁以步騎數萬向濡須仁欲以兵襲取洲上先揚聲欲東攻羨谿吳朱桓分兵將赴羨谿既發率得仁進軍拒濡須七十里間桓遣使追還羨谿兵兵未到而仁奄至時拒手下及所部兵在者五千人諸將業業各有懼心桓喻之曰凡兩軍交對勝負在將不在眾寡兵法所以稱客倍而主人半者謂俱在平原無城池之守又謂士眾勇怯齊等故耳今仁既非勇智加其士卒甚怯千里步涉人馬罷困桓與諸君共據高

城南臨大江北背山陵以逸待勞為主制客此百戰百勝之勢也桓因偃旗鼓外示虛弱以誘致仁仁果遣其子泰攻濡須城分其將軍常雕督諸葛虔王雙等乘油船別襲中州中州者桓部曲妻子所在也仁自將萬人留橐臬復爲子泰等後拒桓部將攻取油船或別擊雕等桓身自拒泰燒營而退遂臬雕生虜雙送武昌臨陣斬溺死者千餘

吳志綱目

八年冬十二月魏征東將軍滿寵聞吳欲攻合肥表請召兵吳尋退還寵以爲賊大舉而還非其本意此必欲僞退以罷吾兵而倒還乘虛掩不備也遂表不罷兵後十餘日吳果來攻不克而還

綱目

續修廬州府志

卷二十一

兵事志一

十一

十年秋九月吳陸遜引兵向廬江魏人以爲宜速救之滿寵曰廬江雖小將勁兵精守足經時况賊舍船二百里來後尾空絕不來尙欲誘致今宜聽其遂進但恐走不可及耳乃整軍趨揚宜口吳人聞之夜遁寵以合肥城南臨江湖北達壽春賊往甚易救之甚難然其西三十里有奇險可依宜更立城徙見兵以固守引賊平地而掎其歸路於計爲便魏主叡報聽之

綱目

十一年夏六月吳主權出兵欲圍合肥新城以其遠水積二十餘日不敢下船魏滿寵謂諸將曰孫權得吾新城必於眾中有自大之言今來雖不敢至必當上岸耀兵以示有餘乃潛遣步騎六千伏肥水隱處權果上岸

伏軍卒起擊之斬首數百或有赴水死者

綱目
吳志

十二年夏五月吳主權入居巢湖口向合肥新城眾號十萬魏滿寵率兵救新城又欲拔新城守致賊壽春魏主叡不聽曰先帝東置合肥南守襄陽西固祁山賊來輒破於三城之下者地有所必爭也縱權攻新城必不能拔敕諸將堅守吾將自往攻之比至度權已走矣乃御龍舟而東寵募壯士焚吳攻具吳吏士多病又聞叡至遂退

綱目

十五年冬十月吳諸葛恪修東興隄初吳大帝築東興隄以遏巢湖後攻魏淮南敗以內船遂廢不治至是恪更作大隄以遏巢湖旁山築城使將軍全端守西城都

續修廬州府志

卷二十一

兵事志一

三

尉留略守東城各以千人守之十二月魏使將軍諸葛誕胡遵等步騎七萬圍東興將毀隄作浮梁陳于隄上分兵攻城甲寅太傅諸葛恪以大兵赴敵戊午兵及東興恪上岸時丁奉與將軍唐咨呂據留贊等俱從山西上奉曰今軍行遲若敵據便地則難與爭鋒矣乃辟諸軍使下道自帥麾下水軍三千人徑進時風便舉帆二日至東關遂據徐塘

卽東興隄

天寒雪敵諸將置酒高會奉

見其前部兵少相謂曰取封侯爵賞正在今日乃使兵解鎧著胄持短兵敵人從而笑焉不爲設備奉縱兵擊之大破敵屯會據等至會攻浮梁魏征東胡遵軍士爭

渡梁壞投水死者數千

吳志
綱目

十六年吳諸葛恪率軍伐魏四月圍新城大疫兵卒死者大半八月恪引兵還

册府元龜

時魏揚州牙門將張特守合肥新城及諸葛恪圍城特與將軍樂方等三軍眾合有三千人吏兵疾病及戰死者過半而恪起土山疾攻城將陷不可護特乃詭謂吳人請降以緩攻乃投其印綬以與之吳人聽其辭而不取印綬不攻頃之特還乃夜撤諸屋材柵補其缺為二重明日謂吳人曰我但有鬪死耳吳人大怒進攻之不能拔遂引去

册府元龜綱目

十八年春正月魏征東將軍毋邱儉前將軍文欽以淮西之眾西入戰於樂嘉閏月壬辰峻與驃騎將軍呂據

續修廬州府志

卷二十一

兵事志一

十四

左將軍留贊率兵襲壽春軍及東興聞欽等敗壬寅兵進至橐皋欽詣峻降淮南餘眾數萬口降吳

册府元龜綱目

晉

泰始四年十一月吳將丁奉諸葛靚出芍陂攻合肥安

東將軍汝陰王駿等拒却之

通鑑晉書

六年孫皓命丁奉與諸葛靚攻合肥奉與晉大將石苞書構而間之苞以徵還

吳志

丁奉為右大司馬左軍師帥眾治徐塘因攻晉穀陽

册府

元龜

永嘉元年華譚為廬江內史時石冰之黨陸瑾等屯據諸縣譚遣司馬褚敦討平之又遣別軍擊冰都督徐蓋

獲其驍率以功封都亭侯食邑千戶

册府元龜

五年六月江州刺史華軼自以受朝廷之命而為琅邪

王睿所督多不受其教令睿遣揚烈將軍廬江周訪擊

軼軼兵敗訪追斬之

通鑑

元帝建武四年秋七月甲戌以尙書僕射戴淵為征西

將軍都督司兗豫并雍冀六州諸軍事司州刺史鎮合

肥假節領兵名討胡寶備王敦也

通鑑

永昌元年兖州刺史郗鑒在鄒山三年有眾數萬戰爭

不息百姓饑饉至是為後趙所逼退屯合肥

通鑑綱目

咸和元年十一月後趙石聰攻壽春祖約屢表請救朝

廷不為出兵聰遂寇遠適殺掠五千餘人三年二月丙

續修廬州府志

卷二十一

兵事志一

十五

辰蘇峻攻清谿柵諸軍拒擊不能禁廬江太守陶瞻戰

死六月毛寶進攻祖約軍於東關拔合肥戍

通鑑

永和六年五月廬江太守袁真乘趙亂攻合肥克之

通鑑

興甯二年夏四月慕容暉遣其將李洪侵許昌王師敗

績桓温遣西中郎將袁真江夏相劉岵等鑿揚儀道以

通運温率舟師次於合肥

晉書

宋

元嘉二十九年五月遣魯爽魯秀程天祚等步騎並荆

州軍甲士四萬出許洛八月虜長社戍主永平公禿髮

幡乃同棄城走進向大索戍戍主偽豫州刺史跋僕蘭

曰爽勇而無防我今出城必輕來據之設伏檀山必可

禽也爽果夜進秀諫不止馳往繼之比曉虜騎夾發賴
秀力戰虜乃退宋書盧江夏侯方進誑動羣蠻淮汝江沔
咸罹其患遣沈慶之督諸軍討之南史

孝建元年四月魯爽舉兵使弟瑜率三千人據小峴爽
尋以大眾阻大峴宋書上遣左軍將軍薛安都龍驤將軍

南陽宗越等戍歷陽與魯爽前鋒楊胡興等戰斬之爽
不能進留軍大峴使魯瑜屯小峴上復遣鎮軍將軍沈

慶之濟江督諸將討爽爽食少引兵稍退自留斷後慶
之使薛安都帥輕騎追之及爽於小峴爽將戰飲酒過

醉安都望見爽即躍馬大呼直往刺之應手而倒瑜亦
為部下所殺通鑑

續修廬州府志

卷二十一

兵事志一

泰始二年二月山陽王休佑在歷陽輔國將軍劉劭進

軍小峴南汝陰太守裴季之以合肥來降注沈約曰江左置南汝陰

郡所治即合肥縣三月壬子鄧琬遣其豫州刺史劉胡率眾三

萬鐵騎二千東屯鵲尾遣孫沖之帥薛常寶等萬人為

前鋒據赭圻子勛乃以陶亮統五州兵合二萬人俱下

亮不敢進屯軍鵲洲休仁遣江方興等赴赭圻帥諸軍

進戰大破前軍詔以沈攸之督前鋒陶亮大懼召沖之

還鵲尾五月甲寅張永蕭道成等與薛素兒戰大破之

薛安都子道智走向合肥詣裴季之降鄧琬以劉胡與

沈攸之等相持久不決乃加袁顥督征討諸軍事六月

袁顥帥樓船千艘戰士二萬來入鵲尾秋七月辛丑劉

胡遣輔國將軍薛道標襲合肥殺汝陰太守裴季之冬十月乙卯劉劭圍壽陽垣閔攻合肥俱未下劭患之召諸將會議馬隊主王廣之曰得將軍所乘馬判能平合肥劭即推鞞下馬與之廣之往攻合肥三日克之薛道標突圍奔淮西通鑑劉懷珍復廬江南齊書昇明二年北魏寇淮淝齊以左將軍劉懷珍屯巢湖討之通鑑

魏

景明二年五月揚州小峴戍主黨法宗襲蕭衍大峴戍主破之擒其龍驤將軍郗菩薩送之京師魏書

彭城王勰與傅永合擊齊將陳伯之於肥口大破之綱目

續修廬州府志

卷二十一

兵事志一

十七

肥口在廬州府城南七十五里

南齊

永元二年裴叔業以壽春降魏魏使王肅與彭城王勰率步騎十萬以赴之豫州刺史蕭懿率眾三萬屯於小峴交州刺史李叔獻屯合肥將圍壽春肅進攻合肥生擒叔獻蕭懿棄小峴南走南史

梁

天監二年梁人斷東關砂邊巢湖欲令泛溢灌淮南魏人遂謀南伐分兵於大小峴東桑等連城相持魏將高祖珍以三千騎軍其間馮道根率百騎橫擊破之諸軍乃退韋叡圍合肥克之道根與諸軍並進所在有功梁書

三年庚戌征虜將軍趙祖悅與魏江州刺史陳伯之戰

于東關祖悅敗績通鑑魏小峴戍主黨法宗襲梁大峴破

之魏圍合肥冠軍將軍鄭紹叔督眾軍鎮東關梁善

四年王師北伐詔韋叡都督眾軍叡遣長史王超宗梁

郡太守馮道根攻魏小峴城未能拔叡巡行圍柵魏城

中忽出數百人陳於門外叡欲擊之諸將皆欲徐還授

甲叡曰不然魏城中二千餘人閉門堅守足以自保無

故出人於外必其驍勇者也若能挫之其城自拔乃進

兵士皆殊死戰魏軍敗走因急攻之中宿而城拔遂進

合肥先是右軍司馬胡略等至合肥久未下叡乃堰肥

水親自夜率頃之堰成水通舟艦繼至魏初分築東西

小城夾合肥叡先攻二城既而魏援將楊靈允帥軍五

萬奄至眾懼不敵請表益兵叡笑曰賊已至城下方復

求軍臨難鑄兵豈及馬腹因與戰破之初肥水堰立使

軍主王懷靜築城於岸守之魏攻陷懷靜城千餘人皆

沒魏人乘勝至叡隄下其勢甚盛軍監潘靈祐勸叡退

還巢湖諸將又請走保三義叡怒曰將軍死綏有前無

卻因令取織扇麾幢樹之隄下示無動志叡素羸每戰

未嘗騎馬以版輿自載督勵眾軍魏兵來鑿隄叡親與

爭之魏軍少卻因築壘於隄以自固叡起鬪艦高與合

肥城等四面臨之魏人計窮相與悲哭叡攻具既成堰

水又滿魏救兵無所用魏守將杜元倫登城督戰中弩死城遂潰俘獲萬餘級牛馬萬數絹滿十間屋悉充軍

實梁書

天監初以裴邃為輔國將軍廬江太守時魏將呂頗率軍五萬奄來攻郡邃率麾下拒破之加右軍將軍

梁書

五年裴邃以右將軍廬江太守征邵陽洲大破之進剋平石城斬城主元康義又破霍邱城斬城主甯永仁平

小峴攻合肥封夷陵縣子普通二年除豫州刺史

州府元龜

普通六年大舉北伐先遣豫州刺史裴邃帥譙州刺史

湛僧智歷陽太守明紹世南譙太守魯宏晉熙太守張

澄並世之驍將自南道伐壽陽城未克而邃卒乃加夏

續修廬州府志

卷二十一

兵事志一

侯亶使持節馳驛代邃與魏將河間王元琛臨海王元

彧等相拒頻戰克捷尋有密勅班師合肥以休士馬

梁書

七年魏人夾合肥築東西二城夏侯亶襲破之

同上

太清元年春正月乙卯以侯景為南豫州牧本官如故

更以鄱陽王範為合州刺史鎮合肥八月詔以合州刺

史鄱陽王範為南道都督冬十月景陽聲趣合肥而實

襲譙州

通鑑注譙州非渦陽之譙州其地當在唐廬和二州之間

三年六月鄱陽王範聞建康不守戒嚴欲入僚佐或說

之曰今魏人已據壽陽大王移足則虜騎必窺合肥範

乃止會東魏大將軍澄遣西兗州刺史李伯穆逼合肥

範帥戰士二萬出東關以合州輸伯穆範屯濡須以待

上游之軍遣世子嗣將千餘人守安樂柵通鑑範請兵於

魏遣二子為質魏人據合肥竟不出師救範梁書

承聖元年正月齊人屢侵侯景邊地甲戌景遣郭元建

師步軍趨小峴侯子鑿帥舟師向濡須乙卯至合肥攻

羅城克之俄聞王師既近燒合肥百姓邑居引軍退通鑑

荀朗出濡須截景破其後軍陳書

二年齊主使郭元建治水軍二萬餘人於合肥將襲建

康納湘潭侯退又遣將軍邢景遠步大汗薩帥眾繼之

陳霸先在建康聞之白上上詔王僧辯鎮姑孰以禦之

冬十月己酉僧辯至姑孰遣侯瑱張彪裴之橫築壘東

關以待齊師瑱與元建戰于東關齊師大敗溺死者萬

續修廬州府志

卷二十一

兵事志

三

計通鑑

齊天保六年春王渙率眾送蕭淵明還江南特進散騎

常侍裴之橫禦之於東關戰死通鑑

太平元年齊遣大將蕭軌出柵口向梁山司空陳霸先

軍主黃叢逆擊大破之陳書

紹泰元年周迪出東興宣城太守錢肅鎮東興以城降

迪至定川誘陳南豫州刺史周敷殺之通鑑

陳

永定元年遣護軍將軍徐度等率輕舟從柵口歷東關

入巢湖徑襲合肥規燒船舫以夜一更潛寇城下齊合

州刺史封子繪率將士格戰陳人奔走北齊書

天嘉元年王琳至柵口即濡須水出江之口東關在其水東侯瑱督諸軍

出屯蕪湖於梁山與王琳相持百餘日未決元嘉元年

二月東關春水稍長舟艦得通王琳亦引合肥巢湖之

眾舳舻相次而下其勢甚盛瑱率軍進虎檻州琳亦出

船列於江西隔州而泊明日合戰琳軍少卻退保西岸

及夕東北風大起吹其舟艦並壞沒於沙中溺死者數

十百人琳入浦以鹿角繞岸不敢復出陳書王琳為陳將

所敗入齊齊孝昭帝遣琳出合肥鳩集義故更圖進取

琳乃繕戰船分遣招募册府元龜

大建五年北伐四月癸卯前巴州刺史魯廣達克齊大

峴城五月甲戌徐暉克廬江郡丙戌廬陵丙史任忠軍

續修廬州府志 卷二十一 兵事志一 三

次東關克其東西二城進克蘄城戊子又克譙郡城六

月乙巳任忠克合州外城癸卯黃法蕪克合州城冬十

月以黃法蕪為征西大將軍合州刺史陳書

十年十二月乙亥合州廬江蠻田伯興出寇樅陽刺史

魯廣達討平之陳書

十一年十一月甲午周遣柱國梁士彥率眾至肥口丙

午新除仁威將軍右衛將軍魯廣達率眾入淮是日樊

毅領水軍二萬自東關入焦湖戊申豫州陷辛亥霍州

又陷十二月乙丑南北竟晉三州及盱眙山陽陽平馬

頭歷陽沛北譙南梁等九州竝自拔自是淮南之地盡

沒於周陳書

隋

開皇八年冬十月伐陳新義公廬州總管韓擒虎出廬

州隋書

十三年三月戊午廬江人張子路舉兵反遣右禦衛將軍陳稜討平之丁丑賊帥李通德眾十萬寇廬江左屯衛將軍來整張鎮周擊破之隋書

義甯元年十二月乙巳賊帥張善安陷廬江郡隋書

唐

建中三年張建封為濠壽廬等三州都團練使時李希烈遣悍黨杜少誠率勁兵十萬以攻建封於霍邱累月不能克遂退唐書綱目

續修廬州府志

卷二十一

兵事志一

三

咸通三年徐州賊龐勛遣兵陷合肥又寇舒廬破巢縣

唐書通鑑

乾符二年賊黃巢分奇兵圍舒擊廬壽光等州唐書

三年賊王仙芝陷廬州唐書

中和二年淮南節度高駢以楊行密為廬州刺史初秦宗權寇廬壽間刺史募殺賊差首級為賞行密以功補隊長自為八營都知兵馬使淮南節度高駢因表為廬州刺史駢將呂用之恐行密不可制遣俞公楚以兵五千屯合肥名討黃巢而陰圖之行密擊殺公楚秦宗權遣弟度淮取舒城行密破走之厥後張敖遣將魏虔攻廬州大將李神福田頽破之唐書蔡儔為孫儒所破以廬

州降納其將張顥楊行密遣李神福攻僞破其將僞堅
壁不出顥超堞降蔡儔以廬州叛附於朱溫唐書

景福二年秋楊行密遣李神福將兵討蔡儔克而斬之

遂復廬州綱目

天祐元年冬朱溫渡淮大掠廬壽之境而還舊五代史梁書

二年春梁以黃文靖佐楊師厚深入淮甸赴壽春侵廬

江五代史

五年梁將符彥卿率眾攻廬州不克同上

五代

梁乾化三年以王景仁為淮南西北行營招討使將兵

萬餘侵廬州吳鎮海節度使徐溫平廬節度使朱瑾帥

續修廬州府志 卷二十一 兵事志一 三

諸將拒之戰於霍邱大敗之梁兵退五代史綱目

周顯德元年十一月以宰臣李穀為淮南道行營都部

署知廬壽州行府事五代史

三年二月朗州刺史王進達上言領兵攻下淮南長山

砦攻殺賊軍三千餘三月鐵騎右廂都指揮使高懷德

上言敗廬州賊七百餘於其城下七月廬州行營都部

署劉重進上言敗淮賊千五百人於廬州五代史

五年揚泰滁和壽濠泗楚光海等州皆為周得李景遂

獻廬舒蘄黃畫江以為界南唐書

宋

建炎三年十一月金人犯廬州守臣李會以城降未幾

復之金人陷無爲軍復之旋設鎮撫使宋史

四年淮西敗將崔增陷焦湖水砦叛卒孫琪寇廬州制

置使胡舜陟擊走之又降劉文舜敗張遇於梁縣宋史

紹興元年劉豫遣將王世冲寇廬州知州王亨大破之

斬世冲宋史

二年十二月巨師古引兵入廬州執王亨送行在以胡

舜陟爲廬壽等州鎮撫使宋史

三年二月王全犯廬州胡舜陟至廬州王全降十月僞

齊王彥先引兵至北壽春將渡淮劉光世遣鄺瓊駐無

爲軍爲廬濠聲援賊乃還宋史

四年十二月金齊合兵圍廬州僞齊劉麟已驅甲騎五

續修廬州府志 卷二十一 兵事志一 三

千逼城知廬州仇恣嬰城固守荆襄制置岳飛自鄂奉

手札提兵趨廬遣統制牛皋徐慶援兵二千餘騎適至

亟馳出張岳字旗短兵接戰敗走之追擊三十餘里劉

光世亦遣統制靳賽戰於慎縣參宋史及續綱目

五年六月張浚渡江撫淮上諸屯命劉光世自當塗進

廬州宋史屯合肥以招北軍續通鑑

六年九月劉豫起兵三十萬命子麟趣合肥姪猷出渦

口引兵分道入寇劉光世欲舍廬州張浚欲棄盱眙同

奏召岳飛以兵東下欲使飛當其鋒而已得退保張浚

謂飛一動則襄漢何所制力沮其議帝慮浚光世不足

任命飛東下飛自破曹成平楊么凡六年皆盛夏行師

致目疾至是甚聞詔即日啟行未至麟敗

宋史

十二月劉

麟逼合肥張浚益兵劉光世欲退師趙鼎及簽書折彥

質欲召岳飛兵東下御書付浚令光世楊沂中等還保

江浚奏渡江則無淮南而長江之險與敵共矣詔書從

之沂中兵抵濠州光世舍廬州而淮南西洶動浚聞疾

馳至采石令其眾曰有一人渡江者斬光世復駐軍與

沂中接劉猷攻沂中沂中大破之麟聞敗亦拔去

宋史

七年六月命劉錡率兵戍廬州張浚奏罷劉光世以其

兵隸都督府命叅謀兵部尚書呂祉往廬州節制乃以

王德爲都統制卽軍中取酈瓊副之張俊奏其不當瓊

亦與德有宿怨列狀訴乃命俊爲宣撫使楊沂中劉錡

續修廬州府志

卷二十一

兵事志一

三五

爲制置判官以撫之未至瓊等舉兵叛執呂祉以歸劉

豫辛丑手詔赦廬州屯駐行營左護軍壬寅酈瓊引兵

至淮殺呂祉及知州趙康直中軍統制張景鈐轄喬仲

福劉永衡以所部北降劉錡吳錫至廬州以兵追之不

及八月以楊沂中爲淮西制置使劉錡副之並駐廬州

九月以劉錡知廬州兼淮西制置副使

宋史

八年五月己酉王庶至淮南檄張宗顏將兵七千屯廬

州乙亥以中軍統制張宗顏知廬州命劉錡率兵移屯

鎮江府

宋史

十年王德還屯廬州

宋史

十一年正月金人渡淮乙丑劉錡至廬州敵已大至錡

據東關之險以遏其衝丙寅兀朮陷廬州二月己卯統制關師古李橫擊敗於巢縣復之癸未劉錡自東關擊敗金人於青谿李顯忠遣統制崔皋擊敗金人於舒城縣丁亥楊沂中劉錡王德等會兵柘皋與金人夾河而軍大敗兀朮軍於柘皋覆其拐子馬己丑兀朮親率兵逆戰於店步沂中等又敗之乘勝逐北遂復廬州宋史李顯忠敗金師於孔城鎮兀朮焚廬江而走同上

三十一年十月金人大舉入寇劉錡遣都統王權措置淮西王權聞金兵大至自廬州引兵遁昭關己酉知廬州龔濤棄城走癸丑金人圍廬州都監權州事楊椿率兵突陣出守水砦甲寅金主亮以大軍至廬州城北之

續修廬州府志

卷二十一

兵事志一

三

五里築土城以居丙辰金主亮入廬州十一月壬申金人游騎至無爲軍守臣韓髦棄城走池州統制崔定等入無爲軍復巢縣十二月楊椿夜攻金人殺其帥高定

山復廬州

宋史續綱目

開禧二年十一月戊子金人犯廬州田琳拒退之癸巳以金人犯淮告於天地宗廟社稷丙申金人去廬州宋史

嘉定十年廬州鈐轄王辛敗金人於光山宋史

端平三年元兵入光州游騎自信陽趨合肥詔淮東趙葵以兵援合肥宋史

嘉熙元年七月樞密院言元兵自光州信陽抵合肥制司參議李曾伯廬州守臣趙勝都統王福戰守俱有勞

效詔各轉一官宋史

二年九月蒙古察罕帥兵號兵八十萬圍廬州期破廬後造舟於巢湖以窺江左於濠外築土城穿兩濠攻具倍於攻安豐時淮西帥杜杲極力守禦敗卻之元將解誠等取焦湖大獲宋史續通鑑

三年淮西敢勇將官旺李威特與官三轉同出戰二百人官兩轉以賞廬州磨店北之功其陣沒者優與撫恤

宋史案此係補賞二年之功

淳祐四年元兵大入五河絕中流置營柵以重兵綴合

肥淮帥呂文德解壽春圍宋史續綱目以呂文德為淮西招

撫使遂復五河宋史

續修廬州府志

卷二十一

兵事志一

三

咸淳元年八月蒙古將阿珠帥大軍至廬州及安慶諸路統制范勝統領張林正將高興副將孟興逆戰沒於陣詔各官其一子鎮巢軍和州太平州諸將查文李文用孟浩等十一人以射湖萬歲岡後港及巢湖北岸戰功咸賜爵十一月以夏貴為淮西制置使兼知廬州宋史

景定十年夏貴敗縱兵大掠歸廬州宋史

德祐元年七月無為軍降於元以夏貴知揚州朱渙知廬州十月朱渙至廬州貴不納統制洪福復鎮巢軍尋

以福知軍事宋史續通鑑

二年二月夏貴以廬州降元淮西地盡入於元元兵入

鎮巢軍統制洪福及其子大源大淵死之宋史

元

至正十一年發廬州等戍十八翼軍開黃河廬州盜起
陳思謙亟命廬州路總管杭州不花領弓兵捕之而賊
已不可撲滅思謙乃言於宣讓王帖木兒不花請兵又
括官民馬置兵甲不日而集分道並進遂擒渠賊廬州
平元史董搏霄擊賊合肥定林站大破之同上

至元十二年二月伯顏攻太平州丁卯知州孟之縉及
知無爲軍劉權知鎮巢軍曹明俱以城降忙兀台與宋
降將范文虎以兵五百諭降和州及無鎮巢二軍元史

十三年余闕守安慶廣西苗軍五萬從元帥阿爾思蘭
沿江下抵廬州闕移文謂苗軍不當使之窺中國詔阿

續修廬州府志

卷二十一

兵事志一

三

爾思蘭還苗軍元史僉憲馬世德築廬州城同上

十四年五月安豐正陽賊圍廬州命右丞阿兒灰討之

元史

明

至元十五年左右君弼據廬州城巢湖水砦附於明元史先

是太祖謀渡江無舟會巢湖帥廖永安俞通海以水軍
千艘來附太祖大喜往撫其眾而元中丞蠻子海牙扼
銅城閘馬場河諸隘巢湖舟師不得出忽大雨太祖喜
曰天助我也遂乘水漲從小港縱舟還因擊海牙于裕

溪口大敗之遂定計渡江明史

十九年五月徐達等克無爲州明史

二十三年明師圍廬州尋引去五月陳友諒分兵陷無
為州明知州董曾死之明史本紀

二十四年七月徐達率兵圍廬州路克之安豐部將以
舒城降明吳王元年明史本紀

嘉靖三十五年夏四月甲辰倭寇圖山無為同知齊恩
戰死明史

崇禎八年賊張獻忠薄廬州焚關廂知府吳大朴同士
民固守又圍舒城不下之桐城陷廬江巢縣無為潛山
太湖宿松諸城應天巡撫張國維禦之獻忠從英霍遁
明史

九年春流賊高迎祥攻圍廬州城守堅不能拔明史

續修廬州府志 卷二十一 兵事志一 三

十年正月賊為廬鳳軍所扼回桐城掠四境史可法與
潘可大勦捕賊走廬江七月擢可法右僉都御史巡撫
安慶廬州太平池州四府冬部將汪雲鳳敗賊潛山京
軍復連破老回回舒城廬江賊遁入山明史

十一年兵備史可法以青陽廣文耿廷錄守廬江賊圍
之不克引去明史

十五年賊張獻忠為左良玉所敗走與諸部合遂以三
月攻舒城踰月城陷改為得勝州據之遣其黨分掠旁
邑游騎日抵廬州城下通判趙興基與知府鄭履祥經
歷鄭元綬合肥知縣潘登貴指揮同知趙之璞里居叅
政程楷分門守監司蔡如蘅貪戾民不附賊謀滿城中

不能知五月提學御史徐之垣以試士至獻忠遣其徒
僞爲諸生襲儒冠以入夜半舉礮城中大擾之垣如蕪
及履祥登貴並縋城走興基時守水西門聞變挺刃下
戍樓與鬪斬數人被創死元綬楷共守南薰門元綬力
鬪死楷不屈死之璞守東門巷戰死賊乘勢連陷含山
巢縣廬江及無爲六安廬州城池高深八年春賊萬方
力攻知府吳大朴堅守不下後屢犯不得志至是以計
得之履祥登貴懼罪委之興基漕督史可法察其寃以
聞乃治守令罪而贈興基河南僉事楷光祿卿元綬亦
贈卹

據明史
及舊志

賊陷無爲州習水師於巢湖太監盧九德

以黃得功劉良佐之兵戰於夾山敗績秋黃得功劉良

佐大破獻賊於潛山

明史